



# COMISSÃO ANTI-CORRUPÇÃO

## Gabinete de Comissário

Rua Sérgio Vieira de Melo, No. 7, Farol, Díli, Timor-Leste

Telef. (+670) 3331329, (+670) 3331382; E-mail: [cactimorleste@cac.tl](mailto:cactimorleste@cac.tl); Website: [www.cac.tl](http://www.cac.tl)

### DEKLARASAUN

Iha relasaun ho notísias oi-oin kona ba CAC nia papél, mandatu nomós kona ba prosesu investigasaun kriminal balun hanesan publika iha média komunikasaun sosiál iha loron hirak ne'e, mak CAC hakarak klarifika asuntu balun no reafirma komitmentu hanesan tuir mai ne'e:

CAC halao nia atividade estritamente tuir nia mandatu bazeia ba Lei No.8/2009. Mandatu sirak ne'e mak hanesan asaun preventivu (inklui mós hasa'e konsiénsia públiku nian kona ba korrupsaun) no asaun investigasaun kriminal.

Iha aspetu investigasaun, CAC trata emar hotu *hanesan iha lei nia oin*, hanesan hateten ona iha lei sirak nomós Konstituisaun RDTL nian. Ida ne'e signifika katak wainhira CAC inisia ka hahu ona investigasaun kriminal depois de hetan despaixu husi Ministériu Públiku, mak emar hotu sei trata hanesan tuir lei.

Ho tempu ida mak badak depois de estabelesimentu, CAC prepara ona funcionáriu no investigadór sira ho kapasidade espesífiku iha área anti-korrupsaun nian. CAC konsienti katak sei persiza nafatin atu hadia no hasa'e kapasidade funcionáriu sira hodi nune'e CAC bele susesu implementa nia misaun. Ba ida ne'e, CAC iha planu klaru oinsa atu reforsa liutan no hasa'e kapasidade espesífiku hirak ne'e.

Nune'e mak CAC fiar katak kolaborasaun husi instituisaun Estadu hotu nomós husi públiku en jerál sai hanesan fatór imperativu/xave ida ba susesu prevene no kombate korrupsaun iha Timor-Leste.

Díli, loron 11, fulan-Abril, 2013

  
Adérito de Jesus Soares  
Komisáriu